


TEZĂUR LITURGIC
6 AUGUST

ACATISTUL
SCHIMBĂRII
LA FAȚĂ
A DOMNULUI



MOSCOVA, 2000



Акаѳистъ во славу свѣтоноснаго Преображенія Христа Спасителя и во исповѣданіе тайнъ спасенія, въ Преображеніи Господни являемыхъ

Кондакъ 1.[Гласъ 8.]

Возбраннѣй и единый Бога и человекъ
Ходатаю,* истинный Еммануиле, Христѣ
Иисусе,* небесная и земная въ Себѣ
возглавляяй,* живыми и мертвыми
обладаяй,* избраннымъ отъ живыхъ и отъ мертвыхъ
свидѣтелемъ,* съ небесе и отъ земли Тебѣ на Фаворѣ
представшимъ,* явилъ еси въ Тебѣ всельшееся
исполненіе Божества тлѣснѣ,* блистаніе Воскресенія
Твоего предваряя,* и еже на престолѣ славы въ
вышнихъ сѣдѣніе* прежде крестнаго поруганія
извѣствуяй,* купно же и свѣтлость первую показуя
естества человекъ,* древле отъ не сущихъ къ бытію
вѣчному созданнаго* и образомъ Божественнымъ
почтеннаго,* во Адамѣ омраченнаго и
умерщвленнаго,* въ Тебѣ же паки свѣтозаримаго и
животворимаго.* Тѣмже, кланяющесе славу Твоего
всесвѣтлаго Преображенія,* хвалѣбное пѣніе
приносимъ Ти, моляще:*

Христѣ, Свѣте истинный, Сыне Отца свѣтовъ
возлюбленный,* сыны свѣта покажи и насъ въ Тебѣ
Преображеніемъ.

Икосъ 1.

Ангели свѣтозарнии, втори свѣти, необозримымъ кругомъ обстоящи равночестный свѣтъ Трисіяннаго Божества, гласомъ велѣимъ зѣло восхвалиша Содѣтеля, егда сотворены быша звѣзды, въ нихже свѣтъ Божества невестественный, вещественными возоблиста лучами. Тойжде убо свѣтъ Божества и мы нынѣ зряще, во плоти лица Твоего, Христе, и во одежди ризъ Твоихъ вещественнѣ намъ сіяюще, гласомъ хвалѣнія вопіемъ Ти:

Христе Іисусе, въ Божественнѣмъ естествѣ Твоѣмъ Свѣте истинный, въ Немже тмы нѣсть ни единыя.

Христе, Свѣте вполстасный, въ сіяніи Единосущныя Троицы нераздѣльный и несліанный.

Христе, Свѣте несозданный, отъ присносущнаго Отца свѣтовъ, яко Богъ истинный отъ Бога истиннаго, безлѣтно возсіявый.

Христе, свѣта Подателю, первѣе убо въ невидимѣмъ естествѣ ангеловъ отобразивыйся.

Христе, свѣта Создателю, и въ сотвореніи міра видимаго, яко нѣкое основаніе, свѣтъ Твой положивый.

Христе Іисусе, сугубымъ онымъ свѣтомъ послѣди созданнаго человѣка запечатлѣвый и въ немъ міра видимаго и невидимаго различія богомудро сочетаवый.

Христе, Свѣте омраченыхъ, въ міръ сей пришедый и во плоти человѣчестѣй просіявый.

Христѣ, Свѣте истинный, просвѣщаяй Собою и всякаго челоуѣка, грядущаго въ мѣръ, да знаменуется и на насъ свѣтъ лица Твоего пребожественный.

Христе, яко Богъ, во свѣтъ живый неприступнѣмъ, во вся оружія свѣта облецы ны, и кознемъ вражимъ неприступны сотвори ны.

Христѣ, Свѣте истинный, Сыне Отца свѣтовъ возлюбленный, сыны свѣта покажи и насъ въ Тебѣ Преображеніемъ.

Кондакъ 2.

Видяще чудо преславное свѣтоноснаго Твоего, Христѣ, Преображенія: лице Твое, аки солнце, лучи испускающее, и одѣяніе Твое бѣло блистающееся, закона же и пророковъ начальники, на земли препрославленныя и въ небеснѣй славу явльшіяся, Тебѣ, яко Господу небесе и земли, раболѣпно предстоящія, апостоловъ же верховныя предъ Тобою ницы падшія, воистинну Тя Бога явльшагося во плоти познаваемъ, и благоговѣйно Тебѣ вопіемъ: Аллилуія.

Икосъ 2.

Разумъ отверзая возлюбленнымъ, Христѣ, ученикомъ Твоимъ, во истину Отчую святимымъ, вопрошалъ еси отъ нихъ: «кого Мя глаголють они быти?» И слышавъ отъ устъ блаженнаго Симона, яко истиннаго Тя Христа, Сына Божія, исповѣдуютъ, сіе исповѣданіе, яко отъ Отца Небеснаго откровенное свидѣтельствоваешь еси. По днѣхъ же шестихъ не словеси точию увѣряя, но и вещь показуя, явилъ еси Божественное естество Твое и спасительное въ мѣръ

прише́ствие, плоти́ Твое́й пречу́дно свѣ́тящейся, и ризамъ не́земно́е убѣ́лѣніе пріе́млющимъ, о́блаку свѣ́тлу Тя осѣ́няюще, проро́комъ же, дрѣ́вле о Тебѣ́ возвѣ́стившимъ, днѣ́сь самові́днѣ́ Тебѣ́ предсто́ящимъ, и гласу́ Отца́ съ не́бесе́ свидѣ́тельствующе, я́ко Сы́нъ еси́ Того́ возлю́бленный. Сію́ убо въ Тя вѣ́ру исповѣ́дующе, велича́емъ Тя си́це:

Христе́ Иису́се, Иже отъ нача́ла Су́щій, я́ко Са́мъ о Себѣ́ ре́клъ еси́.

Христе́, сы́не Дави́довъ, и сы́не Авраа́мль: оба́че пре́жде Авраа́ма бы́вый, и отъ Дави́да въ Ду́съ Го́сподомъ прона́речѣ́нный.

Христе́ Иису́се, отъ Дѣ́вы въ послѣ́дняя зача́тый, оба́че Ада́ма дрѣ́внѣ́йшій и отъ Безнача́льнаго пре́жде всея́ тва́ри ро́жденный.

Христе́, Сы́не Бо́жій Единоро́дный, сый въ ло́нѣ́ Отчи и изъ чре́ва Того́ пре́жде денни́цы возсія́вый.

Христе́, Сы́не Бо́га жива́го, прише́дый въ ми́ръ грѣ́шныя спа́сти.

Христе́, Образе́ Бо́га неві́димаго, Того́ ві́дима въ Себѣ́ яви́вый.

Христе́, Бо́же и́стинный отъ Бо́га и́стиннаго, надъ всѣ́ми Сый и Благо́словѣ́нный во вѣ́ки.

Христе́ Иису́се, отве́рзи намъ́ у́мъ, разумѣ́ти Тя не́ я́ко проро́ка, ни́же то́чию учи́теля, но́ я́ко и́стиннаго Сы́на Бо́жія и ми́ру Спа́сителя.

Христе́, Сы́не Бо́жій, на ка́мени въ Тя вѣ́ры сея́ пра́выя утверди́ ны́, да и са́ми о Тебѣ́ всыно́влѣніе Бо́гу воспри́емемъ.

Христѣ, Свѣте истинный, Сыне Отца свѣтовъ возлюбленный, сыны свѣта покажи и насъ въ Тебѣ Преображеніемъ.

Кондакъ 3.

Силу и пришествіе Христово спасительное сказаху богоглаголивии апостоли не ухищреннымъ баснемъ послѣдовавше, но самовидцы бывше величества онаго, на горѣ святѣй съ Нимъ суще, егда пріять отъ Бога Отца честь и славу, гласу пришедшу къ Немю отъ велелѣпныхъ славы. И еже слышаша, и еже видѣша, и еже руки ихъ осязаша, о семъ проповѣдаша, не словесы же точию свидѣтельствующе, но и о всѣхъ отщетившеса и вся уметы вмѣнивше быти, токмо еже разумѣти Христа и силу воскресенія Его, въ Преображеніи предъявленнаго. И мы убо свидѣтельству онѣхъ вѣровавше, и яко Божію силу и Божію премудрость, Христа, отъ нихъ проповѣдана исповѣдующе, яко равночестному со Отцемъ, вопіемъ Ему: Аллилуія.

Икосъ 3.

Имѣяй въ Себѣ животь вѣчный, яко во Отца пребываяй, животь вѣчный въ Себѣ имущемъ, и яко Единъ съи Живоначальныя Троицы, Божественною любовію Трипостасно въ Себѣ связуемья, воистинну живота Начальникъ явился еси, Христѣ, единого ради благности богатства, отъ небытія въ бытіе естество всякое приведи и тое сохраняяй. Сего ради и на Ѡаворѣ, посреде живыхъ и преставльшихся поставил еси Себе, Источника жизни и безсмертія Тя показуя, и яко нѣси Богъ мертвыхъ, но Богъ живыхъ: вси бо Тебѣ

живи сѹть. Тѣмже Тя, яко Творца и Вседержителя вѣдуще, воспѣваемъ:

Христѣ, Слово животное и зиждительное, въ Божественнѣмъ естествѣ Твоѣмъ исперва бѣвшее, Имже вѣки сотворѣни быша, и безъ Негоже ничтоже бысть, еже бысть.

Христѣ, Творче міра, словомъ составивый небо вкупѣ и зѣмлю, видима я же и невидима, яко со Отцемъ бѣвый и Духомъ устѣ Его глаголавый.

Христѣ, Премудросте впостасная, вся премудростію сотворивый, и образ премудрости Твоея на всякой, паче же въ словесной тварі начертавый.

Христѣ, образе Впостаси Отчія, глаголомъ силы Твоея носяй вся, отъ Тебѣ созданная.

Христѣ, Древо жизни райское, первозданному человѣку животь вѣчный въ Себѣ плодоносившее.

Христѣ, Боже истинный, умныя души вдуновѣніемъ и пици райскія питаніемъ боговидное житѣльство тому уготовавый.

Христѣ, Хлѣбе истинный животный, и отпадшему отъ жизни райскія Самого Себѣ вдаяй въ пицу и питіе небесное, да безсмертія залогъ тому возвратиши и естества обоженіе сообщиши.

Христѣ, создавый вселенную всю, новою тварію о Тебѣ содѣлай ны и сохрани животь нашъ съ Тобою въ Бозѣ.

Христѣ, Жизнодавче, причастіемъ Плоти и Крови Твоихъ животворящихъ, къ жизни, воистинну Божественнѣй, приобщи ны и безсмертіе намъ даруй.

Христѣ, Свѣте истинный, Сыне Отца свѣтовъ возлюбленный, сыны свѣта покажи и насъ въ Тебѣ Преображеніемъ.

Кондакъ 4.

Бурею богопротивленія присно дышущій, и тою пѣрвѣ себе съ небесе низринувый, иже искони челоуѣкоубійца, хотяй и земнороднаго, по образу Божію созданнаго, отъ рая изринути, вѣдый же, яко богоуподобленія ради въ жизни нескончаемѣй созданъ быше, лукавнующе увѣри сего богосодѣлатися воли Божія преслушаніемъ, и тако умертви его. Ты же, Христѣ, хотяй воистинну земнороднаго обожити, и умерша того въ Себѣ воскресити, прежде даже Воскресенія Твоего сіе увѣрилъ еси, плотию возсіявъ боголѣпно на Оаворѣ, да отъ спасаемыхъ Тобою выну слышиши: Аллилуія.

Икосъ 4.

Слышаху самовидцы Твоего, Христѣ, богосвѣтлаго на горѣ измѣненія, гласъ Отечъ съ небесе извѣствующъ, яко воистинну Сынъ еси Божій возлюбленный, Емуже подобаеть послушаніе, яко присно въ воли Отца пребывающему, и тако непослушанія ради погибающія спасающему. Сему убо гласу Божію послѣдующе, и юже въ немъ силу спасенія разумѣюще, взываемъ Ти:

Христѣ, Сыне Божій, николиже воли иныя имѣвый, развѣ воли Отчія, яко искони во Отца пребываяй.

Христѣ, Бѣже истинный, законъ воли Твоея Божественныя, въ законъ бытія всякія твари положивый.

Христѣ, Промыслителю благій и Царю всякія земныя твари, законъ воли Твоея святыя въ сохраненіе вѣчныя жизни райскія уставивый.

Христѣ, Спасителю міра, и ко искупленію пріемля падшаго, тойжде законъ воли Божія соблюды и въ послушаніе тому Себѣ представивый, да, якоже послушаніемъ единого грѣшника быша мнози, сице и послушаніемъ Тебѣ единого праведника будутъ мнози.

Христѣ, съ небесе спедый, не да твориши волю Твою, но волю пославшаго Тя Отца, и еже творити волю Пославшаго Тя, яко брашно Себѣ во днѣхъ плоти Твоея имѣвый.

Христѣ Іисусе, и въ часъ смѣртный Твой моливыйся, да не Твоя воля, но воля Отчая на Тебѣ да будетъ.

Христѣ Іисусе, даже до смѣрти крестныя въ волю Отчую Себѣ предавый, и Самъ убо послушаніемъ совершився, всѣмъ послушающимъ Тебѣ виновенъ спасенія бывый.

Христѣ, міра Управителю, Егоже и ветеръ, и море послушаютъ, и дуси, управи волю нашу плѣнати всякъ разумъ въ Твое послушаніе, и даждь намъ преобразоватися обновленіемъ ума нашего, во еже искушати намъ, что есть воля Божія благая и совершенная.

Христѣ искушенный, и искушаемымъ могій помощи, помози намъ творити волю Божию отъ души,

и по заповѣди Твоей молиться, да будетъ на небеси и на земли воля Отца Небеснаго единая.

Христѣ, Свѣте истинный, Сыне Отца свѣтовъ возлюбленный, сыны свѣта покажи и насъ въ Тебѣ Преображеніемъ.

Кондакъ 5.

Богосіянныя плоти Твоея пречудное видѣніе, и облака свѣтла осѣненіе, и славою вѣнчанныхъ горняго міра жителей съ Тобою собесѣдованіе, гласа же Божія съ небесе слышаніе, аки рай истинный яви Собою на Ѡворѣ въ часѣ времяннѣ. Егѡже сладость ощутивъ и разлучитися не хотя, рече блаженный Пѣтръ: «добро естъ намъ здѣ быти и остатися». И симъ войстинну показаль еси, Христѣ, первое естества нашего благородіе, и второе онаго содѣтельство и обновленіе, да Тебѣ, яко перваго и втораго міра Создателю, въ рабїи зраць пришедшему, въ боголѣпнѣй же славѣ нынѣ явльшемуся, гласы райскими вопіемъ: Аллилуїя.

Икосъ 5.

Видѣвъ всея твари Перворожденный во главу тварей земныхъ поставленнаго, волею съ высоты спадша и лють страждуща. Видѣвъ же, яко и сама тварь, тому покоренная, совоздыхаетъ ему и соболѣзнуетъ, и всѣми образы смотря, еже паки спасти оскудѣвшее отъ падежа онаго, воли Божія преслушаніемъ бывшаго, входитъ въ міръ сей и Свою волю представляетъ въ послушаніе, глаголя: «жертвы и приношенія не восхотѣль еси, тѣло же совершилъ Ми еси; се, иду сотворити волю Твою, Бѡже». Обаче искій, да не нуждею будетъ спасеніе, якоже и перваго

рая блаженство, но благимъ произволеніемъ спасаемаго, прѣжде да́же прише́ствія Своего́ о Себѣ́ возвѣща́етъ и́ яко́ Спаси́телю мі́ра вѣ́ровати Себѣ́ зоветъ. Сего́ ради́ и въ днѣ́шній де́нь спасе́нія предъ́ очію́ богозваннѣ́хъ свидѣ́телей плоти́ю преобража́ется, да купно́ со смире́ніемъ Его́ ви́дяше и сла́ву Его́, вси́, жа́ждущіи оправда́нія, своего́ Искупите́ля въ Немъ познаю́тъ, и си́це Его́ исповѣ́дуютъ:

Христе́, Спаси́телю мі́ра, о́бразъ Тво́й въ себѣ́ растли́вшаго, па́ки къ богови́дному жи́тельству возвра́щай и отъ рабо́ты ислѣ́нія освобожда́й.

Христе́, да́й свобо́ду и́стинную, и сего́ ради́ не ну́ждею, но во́лею въ райское жи́тельство отпа́дшія призыва́й.

Христе́ Иису́се, сего́ ради́ во́льнаго къ Тебѣ́ прихо́жденія со́вѣтъ превѣ́чный о спасе́нии мі́ра прѣ́жде исполне́нія време́нь спаса́емымъ открыва́й.

Христе́, Бо́же премудры́й и всемо́гущій, о́бразъ спасе́нія въ восприя́тии естества́ па́дшихъ па́че разума́ изыска́вый.

Христе́ Иису́се, въ Тво́емъ первоева́нгелии́ яко́ о Сѣ́мени Же́ны безму́жнѣ́я о Себѣ́ благовѣ́стивый, послѣ́ди же́ яко́ Сѣ́мя Авраа́мле, о́ немже́ вси́ язы́цы благослови́тися имѣ́яху, Себе́ я́вственнѣ́е назнаменова́вый.

Христе́, Агнче́ Бо́жій, взема́й грѣ́хи мі́ра, о́бразъ а́гнца закланна́го и отъ я́звы губи́тельнѣ́я спаса́ющаго прі́яти благоволи́вый.

Христе́ Иису́се, мно́гими ины́ми о́бразы́ и проро́чества́ го́дину прише́ствія́ Твоего́, и во́льную

страсть, и спасительное Воскресение въ приуготовление рода человеческого предвозвѣстивый.

Христе, возводяи падшаго въ первое того достояние, даруй намъ зрѣти глубину своего падения и волю возжелати спасительнаго возстанія.

Христе, съ небесе шедый нашего ради спасения, даждь намъ познати въ Тебѣ истиннаго Спасителя нашего.

Христе, Свѣте истинный, Сыне Отца свѣтовъ возлюбленный, сыны свѣта покажи и насъ въ Тебѣ Преображеніемъ.

Кондакъ 6.

Проповѣдники Твоего спасительнаго въ мѣръ пришествія уготовляль еси, Христе, во вся роды: древле убо благоугодившія Тебѣ патриархи, таже пророки, послѣди же ученики и апостолы. Тѣмже и на Фаворѣ, зрѣти Божественную славу Твою, вкупѣ предсташа Ти: ученицы убо яко отъ живущихъ на земли, Моисей же яко отъ умершихъ, и Илія Освятянинъ яко отъ небесныхъ. Да небо, и земля, и преисподняя проповѣданіе о Тебѣ согласное услышатъ, и яко единому и томужде Божественному Спасителю всѣхъ вкупѣ взываютъ: Аллилуія.

Икосъ 6.

Воссіявъ паче лучей солнечныхъ Божественною Твоею во плоти славою, Христе, посреде стояи верховнѣйшихъ отъ пророкъ, и омрачивъ славу боговидца Моисея, отъ видѣнія славы Божія лицемъ просіявшаго, и славу Іліи небошественника, въ сіяніи

неземнаго пламене на небо вознесеннаго, явѣ показавъ еси, яко нѣси мнѣмый отъ людей пророкъ, но Господь еси пророковъ, Самъ раздавъ славу тѣмъ, и во плоти пришедый, да приобщившися сугубаго естества Твоего, и свѣтомъ Твоего пришествія на земли озарившися, яко солнце въ день онъ душами же и тѣлесы возсіяютъ въ Царствіи Отца Небеснаго вси земнородніи, елицы славити Тя навѣкоша сице:

Христѣ Іисусе, Солнце правды истинное, прежде всѣхъ вѣкъ во Отца свѣтовъ сіявшее.

Христѣ, Премудросте востасная, свѣтъ Божественнаго разума Твоего на всякую тварь излившая, наипаче же въ словесныхъ созданіяхъ образомъ свѣта Твоего возсіявый.

Христѣ, Свѣте міру, во откровеніе всѣхъ языковъ на землю пришедый и тѣлеснѣ Себѣ явивый.

Христѣ Іисусе, яко младенецъ въ яслехъ лежавый, и яко Богъ свѣтомъ богопознанія премудрыя волхвы просвѣтивый.

Христѣ Іисусе, яко отрочищъ о ученіи вопрошавый, и яко свѣтъ разума Подавая, о разумѣ и о отвѣтахъ Твоихъ учителя ужасивый.

Христѣ, Учителю истинный и единый, свѣтомъ истины ученики Твоя просвѣтивый, и вся писанная о Тебѣ право разумѣти наставивый.

Христѣ, Свѣте воплощенный, все естество Адамово очернѣвшее, преображся, облистати паки сотворивый, и въ Твоего Божества славу же и свѣтлость е претворивый.

Христѣ Іисусе, раздѣливый между свѣтомъ и между тмою и изъ тмы насъ призвавый въ Твой чудный свѣтъ, просвѣти очи мыслей нашихъ и отжени всякій мракъ отъ сердець нашихъ.

Христѣ Іисусе, возсіявый въ сердцахъ нашихъ Твоего богоразумія нетлѣнный свѣтъ и мысленныя наши отверзи очи во евангельскихъ Твоихъ проповѣданій разумѣніе, да яко во дни благообразно ходяще путѣмъ заповѣдей Твоихъ, достигнемъ въ жизнь вѣчную.

Христѣ, Свѣте истинный, Сыне Отца свѣтовъ возлюбленный, сыны свѣта покажи и насъ въ Тебѣ Преображеніемъ.

Кондакъ 7.

Хотѣя скончати спасеніе рода человѣческаго вольною страстію во Іерусалимѣ, вѣдый же, яко плотскому разуму земнородныхъ неудобоприятельно является, како и Богъ всемоцный и спасающій пребываеши, и яко немощенъ же и смертенъ страждеши и умираеши, многажды предвозвѣщаль еси ближнимъ ученикомъ Твоимъ о подлежавшихъ Тебѣ поруганіяхъ и смерти крестной, вкупѣ же и о всеславномъ Твоемъ Воскресеніи. Сего же ради и днесь глаголеши съ небожители спасительный исходъ Твой, да не соблазнятся о Тебѣ самовидцы величія Твоего, егда Тя узрятъ распинаема, но въ свѣтъ Твоего Преображенія да видятъ очима вѣры и славу Воскресенія, Твоего же и нашего, да и на Крестѣ висѣящу, яко Богу Тебѣ, всѣхъ спасающему, воспѣвати не престануть: Аллилуія.

Икошь 7.

Нóвое нéбо и нóвую зéмлю пришéдый устроити, чúдная и изрядная пáче пёрвыхъ содѣваеши: не слóвомъ бо отъ не сúщихъ во ёже быти вся приводиши, но пёрстное и растлѣнное въ Себé приёмлещи, и, преобразивъ, обожаеши. Просвѣтивъ же и сáмья ризы Твоя, показуеши, яко всякое вещество брѣнное на лúчное возводиши. Сего ради, душами и тѣлесы прославляюще Тя, яко вся обновившему, вопіемъ Ти:

Христé Исусе, дрéвняго и нóваго мíра единый Зиждителю, вѣтхаго человѣка въ нóвую тварь созидай и сего паки яко царя всея твари въ Себѣ поставляй.

Христé Исусе, пёрвѣе образомъ Бóжимъ человѣка почтíвый, во обновленіе же сего образа сáмое естество Божѣственное во еди́ну Упостась вочеловѣчився совокупíвый.

Христé Исусе, истлѣвшее естество рóда нашего въ Себѣ обновíвый, и тѣмъ началообразную доброту онаго показавíый.

Христé, Человѣче Небесный, въ человѣка пёрстнаго оболкíйся, да якоже облекохомся во образъ пёрстнаго, облечёмся и во образъ небеснаго.

Христé, Сыне Бóжий, Сыномъ Человѣческимъ содѣлавíйся, да хúдшее восприёмъ, пода́си намъ лúчное.

Христé Исусе, преобразивíый въ Себѣ тѣло смиренíя нашего, яко быти сему сообразну тѣлу славы Твоея, да въ тойже образъ преобразуёмся отъ славы въ славу.

Христѣ́ Исусѣ́, измѣненіемъ естества́ человѣ́ча
вещество́ всякія твѣ́ри обновляя́ и тѣ́мъ но́вое не́бо и
но́вую зѣ́млю въ жилище́ но́ваго человѣ́ка уготовляя́й.

Христѣ́, обновляя́й всяческа́я, ду́хъ пра́въ обнові́ во
утробахъ́ на́шихъ, да́ аще́ внѣ́шній на́шъ человѣ́къ и
тлѣ́ть, оба́че внутренній по́ вся́ дни обновля́тисѧ
будетъ́.

Христѣ́ Исусѣ́, да́ждь на́мъ облещисѧ́ въ но́ваго
человѣ́ка, по́ Бо́гу созданна́го, да во обновленіи́ жи́зни
ходи́ти начнемъ́ и да́ люди́ обновлені́а вои́стинну
будемъ́.

Христѣ́, Свѣ́те і́стинный, Сы́не Отца́ свѣ́товъ
возлю́бленный, сы́ны свѣ́та покажи́ и на́съ въ Тебѣ́
Преображе́ніемъ́.

Конда́къ 8.

Стра́нное и непости́жимое ны́нѣ зрѣ́тсѧ видѣ́ніе:
Ума́ленный па́че всѣ́хъ сыно́въ человѣ́ческихъ, не
имѣ́яй ви́да, ниже́ доброты́, свѣ́томъ Божества́ во
плоти́ Своей сі́яетъ́ и Сы́нъ Бо́жій возлю́бленный отъ
Отца́ свѣ́товъ имену́етсѧ; Моисе́й законода́вецъ и Илі́я
огнеко́лесничникъ, въ небѣ́снѣ́й сла́вѣ я́вльшіисѧ, я́ко
раби́ Тому́ предсто́ятъ, о поруга́ніи и сме́рти крѣ́стнѣ́й
съ́ Ни́мъ собесѣ́дуютъ, вкупѣ́ же и Воскресе́ніе
сла́вятъ, е́гоже заре́ю предвозоблиста́ имъ́ все́свѣ́тлое
Преображе́ніе. И отъ́ сего́ въ́ Сы́нѣ́ Человѣ́чествѣ́мъ
Сы́на Бо́жія́ я́вѣ́ познава́юще, вопі́емъ́ Ему́: Аллилу́ія.

Ико́сь 8.

Вѣ́сь зѣ́млень бы́ль еси́, Бо́гъ-Сло́во сы́й, сему́
Божеству́ смѣ́сивъ́ челове́чество во́ впоста́си Своей,

юже во двою существу Моисей же и Илия видѣша на Оаворѣ. И во всего Адама облѣкся, Христѣ, очернѣвшее просвѣтилъ еси естество, и весь по намъ обнищавъ, перстнаго отъ самаго единенія и общенія богосодѣлалъ еси. Миръ же, во злѣ лежащій, весь войстинну яко Царство Божіе къ намъ приближаеши, и возвращаеши и яко рай первый, егоже прикровенный образъ видимъ убо нынѣ на Оаворѣ, идѣже блаженство богообщенія неизглаголанное изливаеши въ сердца смиренныхъ ученикъ Твоихъ. Сего ради, Бога и Человѣка Тя познавающе, и радостію предвкушенія райскихъ благъ исполняеміи, вопіемъ Ти:

Христѣ, Сыне Отца Небеснаго, отъ Него на зѣмлю посланный и отъ Жены неизреченно рождаемый.

Христѣ Исусе, Божествомъ Твоимъ помазавый человѣчество, да сотвориши обоя едино.

Христѣ, Еммануиле истинный, Бога и человѣка приискреннѣ во единой впостаси Своей совокупивый.

Христѣ, яко человѣкъ зримый, но истинный Богъ крѣемый, богочеловѣчнымъ пришествіемъ Твоимъ человѣкомъ приблизивыйся.

Христѣ, Боже истинный, на землі во плоти явивыйся и съ человѣки поживый.

Христѣ Исусе, въ Немже всяко исполненіе Божества обита тѣлеснѣ, и изъ Егоже плоти лучи Божества исхождаху апостоломъ и пророкомъ.

Христѣ, Иже съ небесе Господи и вторый Адаме, въ дусѣ животворящемъ пришедый, да перваго одухотвориши Адама, въ дѣшу живу бывшаго.

Христѣ́ Исусе́, Дѣ́лателя-Отца́ Твоего́ Лозо́ истинная, во Твое́ общеніе естество́ наше воспрія́вый, общники́ Божества́ Твоего́ досто́йны содѣ́лай ны́, и́ яко́ ро́ждіе, съ́ Тобою́ срасленое́ и отъ́ Тебе́ неотпадающее́, покажи́ ны́.

Христѣ́, Сы́не Божій, съ́ челове́ки соедини́выйся и отъ́ Бо́га не разлучи́выйся, да́ждь намъ́ съ́ Тобою́, и въ́ Тебѣ́ со Отце́мъ Твои́мъ еди́но бы́ти.

Христѣ́, Свѣ́те истинный, Сы́не Отца́ свѣ́товъ возлю́бленный, сы́ны свѣ́та покажи́ и на́съ въ́ Тебѣ́ Преображе́ніемъ.

Кондакъ 9.

Вся́кая тва́рь, я́ко добра́ зѣ́ло дре́вле отъ́ Творца́ созданная, послѣ́ди же суетѣ́ повинувшаяся не во́лею, но за повинувшаго́ ю́, и о дѣ́лѣхъ е́го прокля́тая, и да́же доны́нѣ́ совозды́хающая́ е́му и соболѣ́знующая, открове́нія же сыно́въ Божіихъ́ ча́ящая, я́ко свободи́тися иму́щая отъ́ рабо́ты ислѣ́нія въ́ свободу ча́дъ Божіихъ́, свѣ́тло днесъ́ просія́ваетъ во плоти́ Спасителя́ мі́ра. Воспри́мъ бо́ плоть́ челове́чу, отъ́ пѣ́рсти созданную́ и въ́ тлѣ́ніе впа́дшую, вои́стинну и са́мое пѣ́рстное возво́дитъ къ́ нача́льнѣ́й и нетлѣ́ннѣ́й добрѣ́тъ, вся́ нова́ тва́рь, я́ко истинное́ Слово́ Творческое́ и Зижди́тель Бо́гъ, Е́му же́ вся́ тва́рь, служа́ще и ликовству́юще, прі́сно вопіе́тъ: Аллилу́ія.

Икосъ 9.

Витѣ́йство челове́къ душе́вныхъ, я́же Ду́ха Божіа́ не прие́млющихъ́ и разумѣ́ти не могу́щихъ, Твоего́ вели́чества и премудрости́ не возмо́жетъ веща́ти: я́ко

бо держай живото́ и сме́ртію влады́й, представляеши на Ѡаворо́ Моисе́я и Илію́, свидѣтельствующія Твое́ Божество́, е́гоже славою блиста́еши, вкупѣ́ же и зра́къ раба́ пріе́млещи, и со беззако́нными вмѣ́няеши, и смиря́еши Себе́ да́же до сме́рти крестны́я. Мы́ же, я́ко духовни́и и вся́ возста́ющіи, Бо́жію си́лу и Бо́жію премудро́сть Тя́, Христе́, проповѣ́дующе, исповѣ́дуемъ:

Христе́ Іисусе́, Имже́ не́бо и зе́мля совокупи́шася: во еди́ной бо́ впоста́си Твое́й Бо́гъ на зе́млю сни́де, и челове́къ на небеса́ взы́де.

Христе́ Іисусе́, о Немже́ вся́ческая, я́же на небеса́хъ и я́же на зе́млі, возсла́вленіе пріе́млютъ.

Христе́ Іисусе́, Бо́га и челове́ковъ Хо́датаю, небеса́я и зе́мная въ Себѣ́ Бо́гови прими́ривый.

Христе́ Іисусе́, ве́сь ми́ръ въ Себѣ́ Бо́гови прими́ряяй во еди́номъ тѣ́лѣ плоти́ю, и Креста́ Твоего́ кро́вию.

Христе́ Іисусе́, завѣ́та но́ваго и лу́чшаго Хо́датаю и Испору́чнице.

Христе́ Іисусе́, Агнче́ Бо́жій, непоро́чный и пречи́стый, вкупѣ́ же и Архіере́ю и́стинный, превы́ше небеса́ превознесѣ́нный.

Христе́ Іисусе́, Са́мъ же́ртву пріе́мляй, Са́мъ и Же́ртва раздава́емая съ́й, принося́й же вкупѣ́ и приноси́мый.

Христе́, съ́ небесе́ спе́дый и Бо́гови на́съ въ Себѣ́ прими́ривый, пріиди́ и все́йся въ ны́, да Тобо́ю ми́ръ има́мы и въ Тебѣ́ вои́стинну на небеса́ взы́демъ.

Христе́, Сы́не Бо́жій вочелове́чивыйся и челове́ки въ Себѣ́ обоживый, да бу́детъ вои́стинну Тобо́ю Са́мъ

Бо́гъ дѣ́йствуяй въ на́съ, и е́же хотѣ́ти, и е́же дѣ́яти о благоволе́ніи.

Христе́, Свѣ́те истинный, Сы́не Отца́ свѣ́товъ возлю́бленный, сы́ны свѣ́та покажи́ и на́съ въ Тебѣ́ Преображе́ніемъ.

Кондакъ 10.

Спасти́ся хотя́й всѣ́мъ челоуѣ́комъ, не словесы́ то́кмо Божѣ́ственными пу́ть спасе́нія показу́еши, ниже́ отъ дѣ́лъ зако́на вѣ́тхаго оправда́нія взыску́еши, но Кроу́ю Зауѣ́та Но́ваго въ са́мой ве́щи недуги на́ша на Себе́ прие́млеша, грѣ́хи же на́ша не то́чию проща́еши, но па́че очища́еши и изглажда́еши. И сего́ ра́ди са́мую пречистую Пло́ть Твою́ въ снѣ́дь пода́еши и честную Кроу́вь Твою́ въ пи́тіе неисчерпа́емое пролива́еши, да яду́щи Твою́ Пло́ть и пи́ющи Твою́ Кроу́вь въ Тебѣ́ приискренне́ пребыва́ють, я́ко да воистинну пло́ть отъ Плоти Твоея́ и ко́сть отъ Костей Твоихъ́ бу́дутъ, и та́ко Божѣ́ственного естества́ причастивше́ся, всякія тли́ душе́вныя и тѣ́лесныя свободя́тся, и я́ко со́лнце возсія́ють въ Ца́рствіи Отца́ Небе́снаго, Е́гоже о́бразъ показалъ еси́ въ плоти Твоей́ на Ѡаво́ръ, и просвѣ́тивше́ся, въ сла́дости вѣ́чнаго житія́ воспѣ́вати Тебѣ́ непреста́нутъ: Аллилу́ія.

Икосъ 10.

Ца́рство Твое́, Христе́ Бо́же, Ца́рство всѣ́хъ вѣ́ковъ и влады́чество Твое́ во вся́комъ родѣ́ и родѣ́. На небеси́ и на земли́ даде́ся вся́ка вла́сть Тебѣ́: живы́ми и мѣ́ртвыми Ты́ облада́еши, ключи́ а́да и сме́рти има́ши. Сего́ ра́ди о имени́ Твое́мъ вся́ко ко́лѣно поклоня́тся небе́сныхъ, и земныхъ́ и преиспо́днихъ,

якоже явилъ еси на горѣ Ѡаворстѣй, идѣже яко небомъ владущему, и землею господствующему, и преисподними область имущему, предсташа Ти отъ земли убо апостоли, яко съ небесе же Илія, Моисей же отъ мертвыхъ. Сія убо исповѣдующе и Тебѣ, яко вселенныя Царю, на колѣну припадающе, умилѣнно величаемъ Тя:

Христѣ, Царю міра, Твоею всемошною десницею въ бытіе приведеннаго и закономъ воли Твоея во единое Царство Божіе связуемаго.

Христѣ, Царю Божественный, и созданнаго по образу Твоему, яко царя твари на земли поставивый, таже и отпадша сего отъ Царствія паки во оное призываяй и въ первое достояніе возводяй.

Христѣ, Царю Небесный, за человеколюбіе на земли явивыйся и съ человекѣ поживый, вкупѣ же и небесъ не отлучивыйся и присно тамо на престолѣ славы херувимстѣмъ почиваяй.

Христѣ Іисусе, въ плотстѣмъ пришествіи Твоемъ, яко истинный Царь вселенныя, стихіями міра, и естества уставами, и дүхами невидимыми повелѣваяй.

Христѣ Іисусе, и самою Твоею смертію, яко истинный живота и смерті Владыка, вѣчную смертъ поправый, и имущаго державу смерті упразднивый, вереи адовы сокрушивый, и вся враги Царствія Твоего подъ нозѣ Твои покоривый.

Христѣ, Царю царемъ всемогүщій, къ возсозданію всемірнаго Царствія Твоего, яко зерно горүшнично, Церковь Твою на земли насадивый, и на Камени,

Его́же не брего́ша зи́ждущи, ю́ утверди́вый, и врато́мъ а́довымъ ю́ непристу́пну сотвори́вый.

Христé Исусе, не отъ міра сего́ су́щее Ца́рство Твое́ Ца́рствомъ міра всего́ содѣлавый и на вѣки въ нёмъ воцари́тися грядый.

Христé Исусе, прибли́зити намъ Ца́рствіе Бо́жіе въ міръ пришéдый, и пёрвѣ всѣхъ искати онаго насъ научи́вый, и о пришéствіи его́ моли́тися намъ заповѣдавый: услы́ши у́бо моли́тву сію, и да при́детъ Ца́рствіе Твое́ зѣло́ вскорѣ.

Христé Исусе, и здѣ насъ сподоби́ видѣти Ца́рство Твое́, пришéдшее въ силѣ, и во вѣки на землі живы́хъ съ Тобою воцари́тися досто́йны сотвори́ ны.

Христé, Свѣте и́стинный, Сы́не Отца́ свѣтовъ возлю́бленный, сы́ны свѣта покажи́ и насъ въ Тебѣ́ Преображе́ніемъ.

Кондакъ 11.

Пѣнію и пѣсни нóвой во обновлénи Ца́рствія Твоего́ никто́же можа́ше навы́кнути, то́кмо развѣ иску́плени отъ земли, иму́щии і́мя Отца́ Твоего́ напи́сано на челѣхъ своихъ, и Тебѣ́, яко́ Агнцу́ Бо́жію, послѣдовати хотя́щии. Обаче и мы́, грѣшніи, а́ще и недосто́йніи, но водою́ и Ду́хомъ къ пакибы́тію порождéнни, и пома́заніемъ отъ Свята́го запечатлѣ́нни, и въ нóвую тварь о Тебѣ́ содѣлавшіися, видя́ще въ Преображе́ніи плóти Твоея́ славу́ Ца́рствія Твоего́ грядуща́го, яко́ о́ни наро́ди мнози, и́же зря́ху славу́ воцарéнія Твоего́, гласомъ вѣлимъ, яко́ раби́ Твои́ и боя́щися Тебе́, и маліи́ и вели́цыи, дерза́емъ приле́жно славити́ Тя пѣснью́: Аллилу́ія.

Икошь 11.

Свѣтоноснаго Преображенія Твоего славу видѣша избраннии Твои на горѣ святѣй: и вси людіе въ плотстѣмъ пришествіи Твоемъ видѣша славу Твою, яко Единороднаго отъ Отца. Сію убо славу и мы по словеси Твоему видѣти чающе, яко Господа славы величаемъ Тя сице:

Христѣ Исусе, присносущныя славы Отчія, соприсносущное и впостасное Сіяніе, прѣжде бытія міра славу премірную у Отца Твоего имѣвый.

Христѣ Исусе, о Егоже славахъ прѣжде плотскаго въ міръ пришествія Твоего свидѣтельствова Духъ Святѣй, во пророцѣхъ сущій.

Христѣ Исусе, Егоже плотию обolkшеса, ангели небесни воспѣша, и славни земни царственными дары почтиша, и вси людіе, преславная дѣянія видѣвше, въ Бозѣ прославиша.

Христѣ Исусе, славы отъ человекъ не пріемлай, но Отца Твоего Небеснаго славящаго Тя имѣй, Иже и гласомъ Своимъ многажды славу Твою свидѣтельствоваше.

Христѣ Исусе, въ свѣтозарномъ Преображеніи плоти Твоея славу Божества Твоего явивый, и тою въ преславномъ Воскресеніи Твоемъ изряднѣе возоблиставый.

Христѣ Исусе, на небеса Вознесеніемъ и одесную Отца сѣдѣніемъ равночестную Тому славу во плоти пріемый.

Христе́ Иису́се, съ́ си́лою и сла́вою мно́гою па́ки
имы́й при́йти, и на престо́лъ сла́вы Ца́рствія Твоего́
сѣ́сти имы́й на вѣ́ки.

Христе́ Иису́се, сподо́би и на́съ ви́дѣти сла́ву Твою́,
я́коже о се́мъ моли́лся еси́ въ ча́съ сме́ртный, и научи́
ны́ въ тѣ́лесѣхъ на́шихъ и въ ду́шахъ на́шихъ я́ко
и́стиннаго Бо́га Тя просла́вляти.

Христе́ Иису́се, да́ждь и на́мъ самѣ́мъ люби́ти па́че
сла́ву Бо́жію, не́же сла́ву чело́вѣческую, и то́я то́кмо
еди́ныя иска́ти.

Христе́, Свѣ́те и́стинный, Сы́не Отца́ свѣ́товъ
возлю́бленный, сы́ны свѣ́та покажи́ и на́съ въ Тебѣ́
Преображе́ніемъ.

Конда́къ 12.

Благода́ть вои́стинну яви́ся Бо́жія, спаси́тельная
всѣ́мъ чело́вѣкомъ, егда́ Бо́гъ-Сло́во плоть бы́сть и
всели́ся въ ны́, испо́нь благода́ти и и́стины, я́ко да и
мы́ отъ испо́лненія Его́ при́мемъ вси́ и благода́ть
возблагодать: спасе́ніе бо е́сть не препрѣ́тельныхъ
чело́вѣческія му́дрости словесѣ́хъ, ниже́ въ
пра́ведности я́же отъ зако́на, въ явлéнии Ду́ха
Боже́ственнаго и си́лы. Тѣ́мже и Христо́сь, не уче́ными
то́кмо родѣ́ чело́вѣческой просвѣ́ти, но са́маго
Божества́ Своего́ вселéніемъ въ хра́мину естества́
чело́вѣческаго изъ тлѣ́нія въ нетлѣ́ніе претвори́ и
вои́стинну обожи́ е. Сего́ ра́ди и плоти́ю на Ѡаво́рѣ
сіяетъ Боже́ственнѣ́, я́ко и́стинный Соверши́тель
спасе́нія, Ему́же еди́ному досто́итъ отъ спаса́емыхъ
воспѣ́ваться: Аллилу́ія.

Икосъ 12.

Пою́ще богосвѣ́тлое Твое́, Христе́, Преображе́ние, вкупѣ́ и нашего́ естества́ земнороднаго пренебѣ́сную торжеству́емъ сла́ву: въ Тебѣ́ бо возсія́ваетъ боголѣ́пно нынѣ́ на Оаво́рѣ во о́бразъ бѣ́дущя незаходи́мыя сла́вы, ю́же очима́ вѣ́ры и наде́жды зря́ще и се́рдцемъ о не́й услажда́ющесе́, я́ко Нача́льника сла́вы нашея́ восхваля́емъ Тя́ си́це:

Христе́ Иису́се, въ Не́мъ же избра́ни бы́хомъ пре́жде сложе́нїя ми́ра и въ вѣ́чную сла́ву призва́ни бы́хомъ.

Христе́ Иису́се, при создáнїи ми́ра о́бразомъ Бо́жїимъ почтѣ́й земнороднаго́ и я́ко сорабо́тника Творцу́, и я́ко царя́ тва́ри въ рай сла́дости того́ поста́вивый.

Христе́ Иису́се, и по омраче́нїи о́браза Бо́жїя въ естество́ земнородныхъ́ въ то́йже о́бразъ преобразу́й отъ сла́вы въ сла́ву.

Христе́ Иису́се, е́ще въ житїи́ се́мъ и въ не́мощнѣ́й плоти́ су́щихъ, равноа́нгельною свѣ́тостїю прославля́й и много́различныхъ́ Боже́ственныя́ благода́ти Твоея́ дарова́нїй сподо́бляй.

Христе́ Иису́се, да́же и по сме́рти са́мыя ко́сти пра́ведныхъ́ нетлѣ́нїемъ сохра́няй, и си́лою Воскресе́нїя Твоего́ всесла́внаго въ нихъ́ пребыва́й и чудодѣ́йству́й.

Христе́ Иису́се, пресла́внымъ Твои́мъ Вознесе́нїемъ плотско́е обожи́вый воспри́ятїе и се́ деснымъ́ Отца́ сѣдѣ́нїемъ почтѣ́й.

Христѣ́ Исусѣ́, и въ́ сла́вное пакиприше́ствіе́ Твое́ купно́ со́ святы́ми Твои́ми явѣ́тися имѣ́яй, и́ всему́ мі́рови суди́ти купно́ съ́ Тобо́ю вла́сть имѣ́ дарова́вый.

Христѣ́ Исусѣ́, сла́ву естества́ наше́шо въ́ сла́вѣ́ Твое́й разумѣ́ти научи́ ны́, и́ яко́ залогъ́ сла́вы вѣ́чныя, душе́вныя де́ и тѣ́лесныя, житі́е́ безпоро́чное и́ безболѣ́зненное преи́ти на земли́ сподо́би насъ́.

Христѣ́ Исусѣ́, Тебѣ́ сораспя́вшихся и́ спогрѣ́бшихся, съ́ Тобо́ю и́ совозста́ви насъ́ и́ спросла́ви, Спа́се, во Ца́рствіи́ Твоѣ́мъ.

Христѣ́, Свѣ́те и́стинный, Сы́не Отца́ свѣ́товъ возлю́бленный, сы́ны свѣ́та покажи́ и́ насъ́ въ́ Тебѣ́ Преображе́ніемъ́.

Кондакъ 13.

О, тихій́ Свѣ́те святы́я сла́вы безсме́ртнаго Отца́ Небе́снаго, Свята́го и́ Блаже́ннаго, Исусѣ́ Христѣ́! Истинный́ Сы́не Бо́жій и́ истинный́ Сы́не Человѣ́ческой, при́скреннимъ́ Боже́ственнаго естества́ Твоего́ соедине́ніемъ́, очисти́вый и́ освяти́вый естество́ земноро́дныхъ, и́ свѣ́томъ́ Боже́ства Твоего́ преобрази́вый и́ убѣ́ливый е́, грѣ́хомъ́ очернѣ́вшее, силою́ же́ Воскресе́нія Твоего́ безсме́ртно е́ сотвори́вый, и́ въ́ Вознесе́нии плоти́ Твоея́ просла́вивый и́ обожі́вый, та́же въ́ таинствѣ́ Тѣ́ла и́ Кро́ви Твои́хъ, всего́ Себе́ вда́яй во исцѣ́леніе́ ду́шъ и́ тѣ́лесъ́ наши́хъ и́ въ́ залогъ́ вѣ́чныя и́ блаже́нныя жи́зни. Сподо́би насъ́ и́стинною вѣ́рою и́ благо́ю воле́ю воспри́яти вся́, я́же ко спасе́нію, дарова́нная отъ́ Тебе́, да просвѣ́тившеся, и́ исцѣ́лившеся отъ́ недуго́въ душе́вныхъ́ и́ тѣ́лесныхъ́, и́ обнові́вшеся въ́ жи́зни се́й

съ Тобою соединениемъ, истъе Тебѣ причастимся, въ невечернемъ дни Царствія Твоего, идѣже во свѣтъ лица Твоего и въ славу вѣчной непрестанными гласы, со ангелы и всѣми святыми, воспѣвати въ Троицѣ славному Богу имама: Аллилуія.

[Сей кондакъ глаголется трижды. Также икосъ 1-й: Ангели свѣтозарни... И кондакъ 1-й: Возбранный и единый...]

Источникъ: Акаѳистъ во славу свѣтоноснаго Преображенія Христа Спасителя и во исповѣданіе таинъ спасенія, въ Преображеніи Господни являемыхъ. — Репринтъ. — М.: Издательство Московской Патриархіи, 2000. — 43 с. — Репр. изд.: Рукопись 1924 г.

